

黃氏逸書考

漢學堂經解

逸書考

孫毓毛詩異同評

甘泉黃奭學

采采芣苢薄言采之傳芣苢馬舄馬舄車前也

王肅引周書王會云芣苢如李出於西戎王基駁云王會所記雜物奇獸皆四夷遠國各貢上地異物以爲貢贄非周南婦人所得采是芣苢爲馬舄之草非西戎之木也

汝墳道化行也

王肅云當紂之時大夫行役

王基云汝墳之大夫久而不歸樂詳馬昭  
孔晁孫毓等皆云大夫

誰其尸之有齊季女傳尸主齊敬季少也蘋  
藻薄物也澗潦至質也筐筥錡釜陋器也少  
女微主也古之將嫁女者必先禮之於宗室  
牲用魚芼之以蘋藻箋主設羹者季女則非  
禮也女將行父禮之而俟迎者蓋母薦之無

祭事也祭事主婦設羹敎成之祭更使季女者成其婦禮也季女不主魚魚俎實男子設之其粢盛蓋以黍稷

王肅以爲此篇所陳皆是大大妻助夫氏之祭采蘋藻以爲菹設之於奧奧卽牖下又解毛傳禮之宗室謂敎之以禮於宗室本之季女取微主也其毛傳所云牲用魚芼之以蘋藻亦謂敎成之祭非經文之蘋藻也

孫毓以王爲長

退食自公箋退食謂減膳也

王肅云自減膳食聖人有逼下之譏

孫毓云自非天災無減膳之制

簡兮簡兮方將萬舞傳以干羽爲萬舞

孫毓云萬舞干戚也羽舞翟之舞也傳以

干羽爲萬舞失之矣

玼兮玼兮其之翟也傳玼鮮盛貌綸翟闕翟

羽飾衣也箋侯伯夫人之服自綸翟而下如

丁后焉

孫毓云自古衣飾山龍華蟲藻火粉米及周禮六服無言以羽飾衣者羽施於旌旂蓋則可施於衣裳則否蓋附人身動則卷舒非可以羽飾故也鄭義爲長

素絲組之良馬五之傳驂馬五轡箋五之者亦謂五見之也

王肅云古者一轅之車駕三馬則五轡其大夫皆一轅車夏后氏駕兩謂之麗殷益

以一駢謂之駢周人又益一駢謂之駢木  
從一駢而來亦謂之駢經言駢則三馬之  
名

孔晁云作者厯言三王之法

王基云商頌曰約軹錯衡八鸞鏘鏘是則  
殷駕四不駕三也

楊之水不流束蒲傳蒲草也箋蒲蒲柳

孫毓云蒲草之聲不與戍許相協箋義爲

長

考

山有橋松隰有游龍箋游龍猶放縱也橋松  
在山上喻忽無恩澤於大臣也紅草放縱枝  
葉於隰中喻忽聽恣小臣此又言養臣顛倒  
失其所也

孫毓難鄭云箋言用臣顛倒置不正於上  
位上位大臣也置有美德於下位下位小  
臣也則其養之又無恩於所寵而聽恣於  
所薄乎自相違戾

不見子充乃見狡童傳子充良人也狡童昭



公也箋人之好忠良之人不往覩子充乃反  
往覩狡童狡童有貌而無實

孫毓云此狡狡好之狡謂有貌無實者也  
云刺昭公而謂狡童爲昭公於義雖通下  
篇言昭公有狂狡之志未可用也箋義爲  
長

子之昌兮俟我乎堂兮箋堂當爲棖棖門捫  
上木近邊者

王肅云升于堂以俟

孫毓云禮門側之堂謂之塾謂出俟於塾  
前詩人此句故言堂耳毛無易字之理必  
知其不與鄭同

充耳以素乎而尙之以瓊華乎而傳素象瑱  
瓊華美石士之服也箋我視君子則以素爲  
充耳謂所以懸瑱者或名爲紃織之人君五  
色臣則三色而已此言素者目所先見而云  
尙猶飾也飾之以瓊華者謂懸紃之末所謂  
瑱也人君以玉爲瓊華石色似瓊也

王肅云王后織玄統天子之玄統一玄而已何云具五色乎又曰以美石飾象瑱王基理之云統今之條豈有一色之條色不雜不成爲條王后織玄統者舉夫色尊者言之耳

孫毓云按禮之名充耳是塞耳卽所謂瑱懸當耳故謂之塞耳懸之者別謂之統不得謂之充耳猶瑱不得名之爲統也故曰玉之瑱兮失設纓以爲冠不得謂冠是纓

之飾結組以懸佩不可謂佩所以飾組今  
獨以填爲統之飾謬於名而失於實非作  
者之意毛王爲長

展我甥兮傳外孫曰甥箋姊妹之子曰甥

王肅云據外祖以言也不指襄公之身總  
據齊國爲信外孫得稱甥者按左傳云以  
肥之得備彌甥

孫毓云姊妹之子曰甥謂吾舅者吾謂之  
甥此爾雅之明義末學者之所及豈毛公

之博物王氏之通識而當亂於此哉抑者  
以襄公雖舅而烏獸其行犯親亂類使時  
人皆以爲齊侯之子故絕其相名之倫更  
本於外祖以言也凡異族親皆稱甥

言采其莫傳莫采也箋我菜其莫以爲菜  
王肅孫毓皆以爲大夫采菜

碩大無朋傳朋比也箋無朋平均不朋黨  
比王肅孫毓申毛必履反謂無比例也一

音必二反申毛作毗至反

釋文

孫毓云桓叔阻邑不臣以孽傾宗與潘父  
比至殺昭公而求人焉能均平而不朋黨  
乎

泌之洋洋可以樂飢傳樂飢可以樂道忘飢  
箋泌水之流洋洋然飢者見之可飲以樂飢  
以喻人君懇愿任用賢臣則政教成亦猶是  
也

王肅云洋洋泌水可以樂道忘飢巍巍南  
面可以樂治忘亂

孫毓難肅云旣巍巍矣又安得亂此言臨  
永歎逝可以樂道忘飢是感激立志慷慨  
之喻猶孔子曰發憤忘食不知老之將至  
云爾

匪適株林從夏南箋言我非之株林從夏氏  
子南之母爲淫佚之行自之他耳觚拒之辭  
王肅云言非欲適株林從夏南之母反覆  
言之疾之也

孫毓以王爲長

有美一人傷如之何傳傷無禮也箋傷思也  
我思此美人當如之何而得見之

孫毓以箋義爲長

庶見素冠公傳素冠練冠也箋喪禮既祥祭  
而緇冠素紕

王肅亦以素冠爲大祥之冠

孫毓以箋說爲長

其弁伊騶傳騶騶文也弁皮弁也箋騶當作  
璫以玉爲之



孫毓云皮弁之飾有玉璫而無綦文綦文非所以飾弁箋義爲長

饁彼南畝田峻至喜傳饁饋也田峻田大夫也箋喜讀爲饁饁酒食也耕者之婦子俱以饁來至於南畝之中其見田大夫又爲設酒食焉

孫毓云小民耕農妻子相饁雖有糗缺如賓之敬大夫儼然銜命巡司何爲辱身就耕民公姬壘畝草間共飲食乎鄙亦誌矣

而改易經字殆非作者之本旨

七月鳴鵙傳鵙伯勞也箋伯勞鳴將寒之候也五月則鳴幽地晚寒鳥物之候從其氣焉王肅云鵙及鵙皆以五月始鳴今云七月其義不通也古五字如七

孫毓以爲寒鄉率早寒北方是也熱鄉乃晚寒南方是也毛傳言晚寒者幽土寒多雖晚猶寒非謂寒來晚也

既取我子無毀我室傳無能毀我室者攻堅

之故也寧亡二子不可以毀我周室箋時周公竟武王之喪欲攝政成周道致太平之功管叔蔡叔等流言云公將不利於孺子成王不知其意而多罪其屬黨與者喻此諸臣乃世臣之子孫其父祖以勤勞有此官位土地今若誅殺之無絕其位奪其土地王意欲謂公此之由然

王肅云按經傳內外周公之黨具存成王無所誅殺橫造此言其非一也設有所誅

不救其無罪之死而請其官位土地緩其  
大而急其細其非二也設已有誅不得云  
無罪其非三也

馬昭云公黨已誅請之無及故但言  
孫土地

我東曰歸我心西悲傳公族有辟公親素服  
不舉樂爲之變如其倫之喪箋我在東山常  
曰歸也我心則念西而悲

孫毓云殺管叔在二年臨刑之時素服不

舉至於歸時踰年已久無緣西行而後始  
悲箋說爲長

既破我斧又缺我斨傳隨釜曰斧斧斨民之  
用也禮義國家之用也箋四國流言既破毀  
我周公又損傷我成王以此二者爲大罪

王肅云今四國乃盡破其用

孫毓云猶甘誓說言毀壞其三正耳

又云王者立制其諸侯受制於天子故言  
我

又云周公不失其聖成王本爲賢君四國  
叛逆安能破周公損成王乎

伐柯美周公也周大夫刺朝廷之不知也箋  
成王旣得雷雨大風之變欲迎周公而朝廷  
羣臣猶惑於管蔡之言不知周公之聖德疑  
於王迎之禮是以刺之

王肅云朝廷斥成王

孫毓云疑周公者成王也明周公者羣臣  
也書曰史與百執事對曰信噫公侖我勿

敢言二公下至百執事皆明周公如此復  
誰刺乎且夫朝廷人君所專未有稱羣臣  
爲朝廷者漢魏稱人主或云國家或言朝  
廷古今同也曷以不言刺成王刺成王當  
在雅此詩主美周公故在豳風是以畧言  
刺朝廷

伐柯如何匪斧不克取妻如何匪媒不得箋  
伐柯之道唯斧乃能之此以類求其類也以  
爲成王欲迎周公當使賢者先往媒者能通

一姓之言定人室家之道以喻王欲迎周公  
當先使曉王與周公之意者又先往

孫毓云周公之思歸患成王之未悟耳上  
出郊而天雨反風禾則盡起精誠感天而  
况於人乎何須賢者之先往也周公至聖  
見能未形非如讐敵尙相咀疑何須問人  
重相曉喻乎鄭爲此說者以爲此詩之作  
在雷風之後王實未迎周公致使朝臣尙  
惑假言迎意刺彼未知言王以周公之聖



欲其速反尙使賢者先行令人傳通其意  
說周公宜還見疑者可刺耳非謂周公有  
疑須相曉喻也

公孫碩膚傳公孫成王也幽公之孫也箋公  
周公也孫讀當如公孫于齊之孫孫之言孫  
遁也

王肅云言周公所以進退有難者以俟王  
之長大有大美之德能服盛服以行禮也  
孫毓云詩書名例未有稱天子爲公係者

成王之去幽公又已遠矣又此篇美周公  
不美成王何言成王之大美乎公宜爲周  
公箋義爲長

每懷靡及傳每雖懷和也箋春秋外傳曰懷  
私爲每懷也和當爲私衆行夫旣受君命當  
速行每人懷其私相稽留則於事將無所及  
王肅以爲下傳所言覆說此也故述毛云  
使臣之行必有上介衆介雖多內懷中和  
之道猶自以無所及是以馳驅而咨諏之

王肅以毛傳云雖有中和者卽上每雖懷和是也

孫毓亦以爲然故其評曰案此篇毛傳上下說自相申成下章傳云雖有中和當自謂無所及卽是上章謂每懷靡及每雖懷和之義也箋旣易之於前爲說於下云中和謂忠信自是周之訓也何得以釋中和乎上下錯戾不可得通傳義爲長

君子有酒嘉賓式燕以樂箋君子斥時在位

者也

王肅孫毓亦以爲在位朝廷之求賢

六月宣王北伐也

鄭以爲獨遣吉甫王不自行

王肅云宣王親伐玁狁出鎬京而還使吉甫追伐追逐乃至於太原

王基云六月使吉甫采芑命方叔江漢命召公唯常武宣王親自征耳

孔晁云六月王親行常武王不親行故常

武曰王命鄭士南仲太祖太師皇父非王  
親征也又曰王奮厥武王旅嘽嘽皆統於  
王師也又王曰還歸將士稱王命而歸耳  
非親征也

孫毓亦以此篇王不自行鄭說爲長

侵鎬及方箋鎬也方也皆北方地名

王肅以爲鎬京

王基駁曰據下章云來歸自鎬我行永久  
言吉甫自鎬來歸猶春秋公至自晉公至

自楚亦從晉楚歸來也故知嚮日千里  
鎬猶以爲遠鎬去京師千里長安洛陽  
爲帝都而濟陰有長安鄉漢有洛陽縣  
此皆與京師同名者也

孫毓亦以箋義爲長

斯干宣王考室也箋宣王築宮廟羣寢既  
而釁之歌斯干之詩以落之此之謂成室  
廟成則又祭祀先祖

王肅云宣王修先祖宮室儉而得禮

孫毓云此宣王考室之詩無作宗廟之言

正義云孫王

並云述毛

西南其戶傳西鄉戶南鄉戶也箋西其戶者  
異於一房者之室戶也又云南其戶者宗廟  
及路寢制如明堂每室四戶是室一南戶爾  
孫毓云猶東南其畝

不自爲政卒勞百姓箋昊天不自出政教則  
終窮苦百姓欲使昊天出圖書有所授命民  
乃得安

王肅以爲禮人臣不顯諫諫猶不顯况欲使天更授命詩皆獻之於君以爲箴規包藏禍心臣子大罪况公言之乎

王基理之曰臣子不顯諫者謂君父失德尚微先將順風喻若乃暴亂將至危殆當披露下情伏死而諫焉待風議而已哉是以西伯戡黎祖伊奔告於王曰天已訖我殷命古之賢者切諫如此幽王無道將箴京周百姓怨王欲大有授命此文陳下民



疾怨之言曲以感寤此正與祖伊諫皆同  
忠臣殷勤之何謂非人臣宜言哉肅不譏  
尙書祖伊之言而怪家父邪

既克有定靡人弗勝傳勝乘也箋王既能有  
所定尙復事之小者爾無人而不勝言凡人  
所定皆勝王也

王述之云王既有所定皆乘陵人之事言

殘虐也

今據爲  
毛說

孫毓云小人好爲小善矜能自臧以爲大

功其所成就細碎小事凡人所勝而過者  
反以驕人是詩所刺幽王也若乘陵殘虐  
之事動則有惡豈德名之爲克有定乎箋  
義爲長

十月之交大夫刺幽王也箋當爲刺厲王作  
詁訓傳時移其篇第因改之耳

王肅以爲四篇正刺幽王

孫毓疑而不能決其評曰毛公大儒明於  
詁訓篇義誠自刺厲王無緣橫移其第改

爲幽王鄭君之言亦不虛耳是以惑疑無  
以斷焉竊以褒姒龍涎之妖所生褒人養  
而獻之無有私黨皇父以下七子之親而  
令在位若此之盛也又尙書緯說豎妻謂  
厲王之婦不斥褒姒又雨無正有周宗旣  
滅靡所止戾之言若是幽王旣爲犬戎所  
殺則無所刺若王尙存不得謂之旣滅下  
句言正大夫離居莫知我勦莫肯夙夜莫  
昔朝夕庶日式臧覆出爲惡之言鄭箋皆

謂厲王流于三坻之後於義爲安

正義云是其言雖不

能決而其意謂鄭爲長也

曰子不戕禮則然矣箋戕殘也

王作臧臧善也

釋文

孫毓評以箋爲改字

釋文

靡瞻匪父靡依匪母不屬于毛不罹于裏傳

毛在外陽以言父裏在內陰以言母箋此言

人無不瞻仰其父取法則者無不依恃其母

以長大者今我獨不得父皮膚之氣乎獨不

處母之胞胎乎何曾無恩於我

孫毓謂傳爲長而云母斥褒姒

有抹天畢傳畢所以掩兔箋祭器有畢者所以助載鼎實

孫毓云祭器之畢狀如畢星名象所出也畢戈之畢又取象焉而因施網於其上雖可兩通箋義爲長

四月維夏六月徂暑先祖匪人胡寧忍予傳徂徂也箋徂猶始也匪非也寧猶曾也我先

祖非人乎人則當知患難何爲曾使我當此  
難世乎

王肅述毛於六月徂暑之下注云詩人以  
夏四月行役至六月暑往未得反已闕二  
時之祭後當復闕二時也先祖匪人之下  
又云征役過時曠廢其祭祀我先祖獨非  
人乎王者何爲忍不憂恤我使我不得修  
子道

正義云據檢毛  
傳又無此意

孫毓難之曰凡從役踰年乃怨雖文王之

師猶采薇而行歲暮乃歸小雅美之不以  
爲譏又行役之人固不得親祭攝者修之  
未爲有闕豈有四月從役六月未歸數月  
之間未過古者出師之期而以刺幽王亡  
國之君乎

孫以爲如適之徂皆訓爲往今言往暑猶  
言適暑耳雖四月爲夏六月乃之適盛暑  
非言往而退也詩人之興言治少亂多皆  
積而後盛盛而後衰衰而後亂周自太王

王季王業始起猶維夏也及成康之世而  
後致太平猶徂暑也暑往則寒來故秋日  
繼之冬日又繼之善惡之喻各從其義

正義

云毓自言述  
毛亦非毛旨

匪鵠匪鳶翰飛戾天匪鱣匪鮪潛逃于淵傳  
鵠鵠也鵠鳶貪殘之鳥也大魚能逃處淵箋  
言鵠鳶之高飛鯉鮪之處淵性自然也非鵠  
鳶能高飛非鯉鮪能處淵皆驚駭辟害爾喻  
民性安土重遷今而逃走亦畏亂政故



王肅云以言在位非鵬鳶也何則貪殘驕  
暴高飛至天時賢非鱸鮓也何爲潛逃以  
避亂

孫毓云貪殘之人而居高位不可得而治  
賢人大德而處潛遁不可得而用上下皆

失其所是以大亂而不振

正義云皆述毛說也

鼓鍾將將淮水湯湯憂心且傷傳幽王用樂  
不與德比會諸侯于淮上鼓其淫樂以示諸  
候賢者爲之憂傷箋爲之憂傷者嘉樂不野

合犧象不出門今乃於淮水之上作先王之樂失禮尤甚

王基曰所謂淫樂者謂鄭衛桑濮上之音師延所作新聲之屬

王肅云凡作樂而非所則謂之淫淫過也幽王既用樂不與德比又鼓之於淮上所謂過也桑間濮上亡國之音非徒過而已孫毓云此篇四章之義明皆正聲之和欽欽人樂進之善同音四縣克諧以雅以南

既以其正且廣所及以簠不僭又爲和而不僭差皆無淫樂在其間也則未知幽王曷爲作先王之樂於淮水之上耳二者之說箋義爲長

或剝或亨或肆或將傳亨飪之也肆陳將齊也或陳于牙或齊于肉箋祭祀之禮各有其事有解剝其皮者有煮熟之者有肆其骨體於俎者或奉持而進之者

王肅云分齊其肉所當用則是既陳於牙

就牙上而齊之也或肆或將其事俱在或  
亨之前以二者事類相將故進或亨於上  
以配或剝耳

孫毓曰此章祭時之事始於絜牛羊成於  
神保享各以次第也既解剝則當亨煮之  
於鑊既煮熟當陳其骨體於俎然後奉持  
而進之爲尸羞不待既享熟乃分齊所當  
用也箋義爲長

先祖是皇神保是饗傳皇大保安也箋皇唯

也先祖以孝子祀禮甚明之故  
氣歸咍之  
其鬼神又安而享其祭祀

孫毓云孝經稱宗廟致敬鬼神著矣禮曰  
聖人爲能享帝孝子爲能享親故此章云  
神保是享下章稱神保是格皆取之往安  
來爲義箋說爲長

信彼南山維禹甸之傳甸治也箋信乎南山  
之野禹治而邱甸之

孫毓云禹平治水土以除洪水之災當此

之時未及邱甸其田也且井邑邱甸之制  
周法虞夏之制未有聞焉今以周之制  
虞夏之說又謂禹治水土皆邱甸之非  
義也

倬彼甫田歲取十千傳甫田謂天下田也十  
千言多也箋甫之言丈夫也明乎彼太古之  
時以丈夫稅田也歲取十千於井田之法則  
一成之數也

王肅云太平之時天下皆豐故不繫之於

夫井不限之於斗斛要言多取田畝之收而已

孫毓云凡詩賦之作皆總舉衆義從多大之辭非如記事立制必詳度量之數甫田猶下篇言大田耳言歲取十千亦猶頌云萬億及秭舉大數且以協句言所在有大田皆有十千之收推而廣之以見天下皆豐

正義云此告

申術毛說也

我取其陳食我農人傳尊者食新農夫食陳

箋倉廩有餘民得賒貲取食之所以紓官之  
蓄滯亦使民愛存新穀自古者農年之法如  
此

孫毓云一家之中尊長食新農夫食陳老  
壯之別孝養之義也

曾孫來止以其婦子饁彼南畝田畯至喜攘  
其左右嘗其旨否舊曾孫謂成王也攘讀當  
爲饁饁饁饋也田畯司嗇今之嗇夫也喜讀  
爲餽餽酒食也成王來止謂出觀農事也親



與后世子行使知稼穡之艱難也爲農人之  
在南畝者設饋以勸之司嗇至則又加之以  
酒食攘其左右從行者成王親爲嘗其饋之  
美否示親之也

王肅云曾孫來止親循畎畝勸稼穡也農  
夫務事使其婦子並饁饋也田畯之至喜  
樂其事教農以閒暇攘田之左右除其草  
萊嘗其氣旨土和美與否也又云婦人無  
閭外之事又帝王乃躬自食農人周則力

不俱不徧則爲惠不普鄭說非也

孫毓云古者婦人無外事送兄弟不踰閭  
惟王后親桑以勸蠶事又不隨天子而行  
成王出勸農事何得將婦兒自隨而云使  
知稼穡之艱難王后寧復與稼穡事者乎  
此與邠風同我婦子饁彼南畝田畯至喜  
之義皆同農人遽於其事婦子俱饗也田  
畯見其勤修喜樂其事又王者從官自有  
常餼非獨於南畝之中乃饗左右而親爲

之嘗又非人君待下之義

正義云皆以鄭說爲短

君子樂胥受天之祜傳胥皆也箋胥有才知之名也

孫毓曰與天下皆樂樂之大者天子四海之內無違命則天子樂矣諸侯四封之內無違命外內無故則諸侯樂矣大夫官府之內無違命者諮謀行於上則大夫樂矣士進以禮退以義則士樂矣庶人耕稼藝以養父母刑罰不加於身則庶人樂

正義云是述  
毛之義也

有頍者弁實維伊何傳頍弁貌弁皮弁也  
言幽王服是皮弁之冠是維何爲乎言其  
以宴而弗爲也禮天子諸侯朝服以宴天子  
之朝皮弁以日視朝

王肅云言無常也興有德者則戴頍然之  
弁矣下章肅又云言冕其在人之無期也  
以傷王無德將不戴弁

孫毓以皮弁非唯王者所服雖陪臣卿大

夫皆得服之不足以爲王者廢興之喻王  
說非

觀爾新昏以慰我心傳慰安也箋我得見女  
之新昏如是則以慰除我心之憂也

王肅云新昏謂褒姒也大夫不遇賢女而  
後徒見褒姒讒巧嫉妬故其心怨恨

孫毓載毛傳云慰怨也徧檢今本皆爲慰  
安凱風爲安此當與之同矣此詩五章皆  
思賢女無緣末句獨見褒姒爲恨肅之說

言非傳旨矣

烝衍烈祖以洽百禮箋烝進衍樂烈美洽也奏樂和必進樂其先祖於是又合見天下諸侯所獻之禮

王肅述毛云幽王飲酒無度故言燕禮之義其奏云言燕樂之義得則能進樂其先祖猶孝經說士大夫之行曰然後能守其宗廟而保其祭祀非唯祭之日然後能守而行之以此故言烝衍非實祭也

孫毓以爲燕禮輕祭事重幽王無度無不  
慢也舉重可以明輕輕不足以明重又錫  
爾純嘏子孫其湛非燕飲之文所得及也  
一篇之旨箋義爲長

母教孫升木如塗塗附傳塗泥附著也箋母  
禁辭孫之性善登木若教使其爲之必也附  
木梓也塗之性善著若以塗附其著亦必也  
以喻人之心皆有仁義教之則進

王肅云教孫升木必也如以塗之必著

孫毓難鄭云若喻人心皆有仁義教之則  
進何爲禁之而毋乎

上帝甚蹈無自睭焉箋上帝乎者愬之也

王肅孫毓述毛皆以上帝爲斥王矣

彼君子女謂之尹吉傳尹正也箋言讀爲姑  
尹氏姑氏周室昏姻之舊姓也

王肅云正而吉也易繫辭云吉人之辭寡  
孫毓云尹氏姑氏衰世舊姓豈必能賢

歌傷懷念彼碩人箋碩大也妖大之人謂



褒姒也申后見黜褒姒之所爲故憂傷而念之

王肅云碩人謂申后也

孫毓云申后廢黜失所故嘯歌傷懷念之而勞之

漸漸之石維其高矣山川悠遠維其勞矣武人東征不皇朝矣箋山石漸漸然高峻不可登而上喻戎狄衆彊而無禮義不可得而伐也山川者荆舒之國所處也其道里長遠邦

域又勞勞廣濶言不可卒服武人謂將率也  
皇王也將率受王命東行而征伐役人罷病  
必不能正荆舒使之朝於王

王肅云言遠征戎狄戍役不息乃更漸漸  
之高石長遠之山川維其勞苦也又云武  
人王之武臣征役者言皆勞病東行征伐  
東國以困病不暇修禮而相朝

孫毓云篇義言役人久病於外故經曰山  
川悠遠維其勞病矣此皆以上四句並爲

征戎狄而言

正義云俱是述毛爲說

曰嬪于京傳嬪婦京大也箋京周國之地小別名也

王肅云唯盡其婦道於大國耳

孫毓以爲京師

文定厥祥箋問名之後卜而得吉則文王以禮定其吉祥謂使納幣也

孫毓云昏禮不稱主人母在則命之此時文王纔十三四歸于耳王季尙在豈得制

定求昏之事

造舟爲梁傳天子造舟諸侯維舟大夫方舟  
子特舟造舟然後可以顯其光輝箋天子造  
舟周制也殷時未有等制

王肅云造舟爲梁然後可以顯著其光輝  
明文王之聖德於是可以王也

王基云自殷以前質畧未有造維方特之  
差周公制禮因文王敬太姒重初昏行造  
舟遂卽制之以爲天子禮著尊卑之差記

以爲後世法

會朝清明傳會甲也箋會合也

王肅云以甲子昧爽與紂戰不崇朝而殺

紂天下乃大清明無復濁亂之政

正義云傳言會

里肅言甲子昧爽以述之則傳言會甲長續爲義謂甲子日之朝非訓會爲甲

孫毓云經傳詰訓未有以會爲甲者

芄芄棫樸薪之爚之傳山木茂盛萬民得而

薪之賢人衆多國家得用蕃興箋枝條芄芄

然豫所以爲薪至祭皇天上帝及三辰則聚

積以燎之

孫毓云此篇美文王之能官人非稱周地之多賢才也國事莫大於祀神莫大於天必擇俊士與其其禮故舉祭天之事以明官人之義又薪之楨之是燎祭積薪之名非謂萬民皆當楨燎箋義爲長

維此二國其政不獲維彼四國爰究爰度傳二國殷夏也四國四方也箋二國謂今殷紂及崇侯也四國謂密也阮也徂也其也

王肅云彼四方之國乃往從之謀往從之居

孫毓云天觀衆國之政求可以代殷之人  
先察王者之後故言商而及夏夏者夏禹  
之世時爲二王之後者不得追斥桀也桀  
亡國六百餘年何求於將代殷而惡之乎  
上帝耆之傳耆惡也變耆老也

王肅云惡桀紂之不德也

申夷載路傳申習夷常路大也變申夷卽混

夷西戎國名也路應也天意去殷之惡就周之德文王則侵伐昆夷以應之

詩本皆作瘠孫毓評作應

釋文

王肅曰天以周家善於治國徙就文王明德以其由世習於常道故得居是六位也孫毓載箋爲應是本作應也定本亦作應天旣去殷之惡文王亦當去惡故伐昆夷以應之

侵阮徂其傳國有密須氏侵阮遂往侵其箋



阮也徂也共也三國犯周而文王伐之密須  
之人乃敢距其義兵違正道是不直也

王肅云無阮徂共三國

孔晁云周有阮徂共三國見於何書

孫毓云按書傳文王七年五伐有伐密須  
大夷黎邦崇未聞有阮徂共三國助紂犯  
周文王伐之之事

張融云晁豈能具數此時諸侯而責徂共  
非國也魯詩之義以阮徂共皆爲國名是

則出於舊說非鄭之創造書傳七年年說  
一事故其言不及阮徂其耳書傳亦無獫  
狁采薇稱獫狁之難復文王不伐之乎鄭  
之所言非無深趣

不康禋祀居然生子箋康安也姜嫄以赫然  
顯著之徵其有神靈審矣此乃天帝之氣也  
心猶不安之又安徒以禋祀而無人道居  
默然自生子懼時人不信也

王肅引馬融曰帝嚳有四妃上妃姜嫄生

后稷次妃簡狄生契次妃陳鋒生帝堯次  
妃娥訾生帝摯摯最長次堯次契下妃三  
人皆已生子上妃姜嫄未有子故禋祀求  
子上帝大安其祭祀而與之子任身之月  
帝嚳崩摯卽位而崩帝堯卽位帝嚳崩後  
十月而后稷生蓋遺腹子也雖爲天所安  
然寡居而生子爲衆所疑不可申說姜嫄  
知后稷之神奇必不可害故欲棄之以著  
其神因以自明堯亦知其然故聽姜嫄棄

之正義肅以融言爲然又其奏云稷契之  
興自以積德累功於民事不以大迹與  
燕卵也且不失夫而育乃載籍之所以爲妖  
宗周之所喪滅其意不信履大迹之事而  
又不能申棄之意故以爲  
遺腹子姜嫄避嫌而棄之

王基駁之曰凡人有遺體猶不以爲嫌况  
於帝嚳聖主姜嫄賢妃反當嫌於遭喪之  
月便犯禮哉人情不然一也就如融言審  
是帝嚳之子凡聖主賢妃生子未必皆賢  
聖能爲神明所祐堯有丹朱舜有商均文  
王有管蔡姜嫄御於帝嚳而有身何以知

其特有神奇而置之於寒冰乎假令鳥不覆翼終疑逾甚則后稷爲無父之子嚳有淫昏之妃姜嫄有汚辱之毀當何以自明哉本欲避嫌嫌又甚焉不然二也又世本云帝嚳卜其四妃之子皆有天下若如融言任身之月而帝嚳崩姜嫄尙未知有身帝嚳焉得知而卜之苟非其理前却紮礙義不得通不然三也不夫而育載籍之所以爲妖宗周之所以喪滅誠如肅言神靈

尙能令二龍生妖女以滅幽王天帝反當  
不能以精氣育聖子以興帝王也此適所  
以明有感生之事非所以爲難肅信二龍  
實生褒姒不信天帝能生后稷是爲上帝  
但能作妖不能爲嘉祥長於爲惡短於爲  
善肅之乖戾此尤甚焉

馬昭曰稷奇見於旣棄之後未棄之前用  
何知焉

孫毓云天道徵祥古今有之皆依人道而

有靈助劉嫗之任高祖著有雲龍之性褒  
姒之生由於玄龍之妖巨迹之感何獨不  
然而謂自履其夫帝嚳之迹何足異而神  
之乃敢棄隘巷寒水有覆翼之應乎而王  
傳云知其神奇不可得害以何爲徵也且  
匹夫凡民遺腹生子古今有之嚳崩之月  
而當疑爲姦非夫有識者之所能言也鄭  
說爲長

或春或揄或簸或蹂傳或簸稊者或蹂黍者

鑿春而扞出之簸之又潤溼之將復春之趣於鑿也

孫毓云詩之序事率以其次既簸糠矣而傳以蹂爲蹂黍當先蹂乃得春不得先春而後蹂也既蹂卽釋之烝之是其次箋義爲長

篤公劉

王肅云公號劉名也

王基云公劉字也周人以諱事神王者祫



百世召公大賢出自姬姓稱揚先祖盛德之君而舉其名不亦遠於禮乎

食之飲之君之宗之傳爲之君爲之大宗也  
**箋**宗尊也公劉雖去郃國來遷羣臣從而君之尊之猶在郃也

孫毓云此篇主稱公劉之厚於民列其始遷於豳此章言羣臣之愛敬上下之有禮無饗燕尊賓之事且饗之禮設几而不倚何有賓已登席依几之義又國君不統宗

故有大宗小宗安得爲之君復爲之大宗  
乎箋說爲長

伴奭爾游矣傳伴奭廣大有文章也箋伴奭  
白紵弛之意也

王肅云周道廣大而有文章故君子得以  
樂易而來游優游而休息

正義云傳之此  
言以二字分而

爲義伴爲廣  
大奭爲文章

孔晁引孔子曰奭乎其有文章伴乎其無  
涯際是分之也

王肅奏云周公著書名曰無逸而云自縱弛也不亦違理哉

孔晃又云一人戒無逸一人勸使縱弛事相反戾

孫毓云忠臣戒君而發章令自縱弛非直方之義

戎雖小子傳戎大也箋猶女也

王肅云在王者之大位雖小子其用事甚大也

孫毓云戎之爲汝詩人通訓言大雖小子  
於文不便箋義爲長

錫爾介圭以作爾寶傳寶瑞也箋圭長尺二寸  
謂之介非諸侯之圭故以爲寶諸侯之瑞  
圭自九寸而下

王肅云寶瑞也桓圭九寸諸侯圭之大者  
所以朝天子是也

孫毓云特言賜之以作爾寶明非五等之  
玉且申伯受侯伯之封當信圭七寸又不

得受上公之制九寸桓圭而謂之介箋義  
爲長

燕師所完箋燕安也大矣彼韓國之城乃古  
平安時衆民之所築完

王肅孫毓並烏賢反云北燕國

釋文

柎鬯一鹵傳柎黑黍也鬯香草也築煮合而  
鬱之曰鬯箋柎鬯黑黍酒也謂之鬯者芬香  
味鬯也

孫毓云鬱是草名今之鬱金煮以和酒者

也鬯是酒名以黑黍和一杯二米作之芬  
香條鬯故名曰鬯鬯非草名古今書傳香  
草無稱鬯者箋說爲長

南仲大祖大師皇父傳王命南仲於大祖皇  
甫爲大師箋宣王之命卿士爲大將也乃用  
其以南仲爲大祖者今大師皇父是也

王肅云皇父以三公而撫軍也殊南仲於  
王命親兵也

孫毓云宣王之大將復字南仲傳無聞焉

且古之命將皆於禰廟未有於后稷大祖之廟者又經言南仲大祖名以南仲爲大祖非命於大祖之文也昔陳勝舉兵稱項燕命將本祖古今有之箋義爲長

閔于小子遭家不造傳閔病造爲也箋閔悼傷之言也造猶成也可悼傷乎我小子耳遭武王崩家道未成嬛嬛然孤特在憂病之中王肅云病乎我小子乃遭家之不爲言先王崩則家事莫爲徒嬛嬛在憂而病故周

公伐爲家事以致太平

孫毓云傳以閔爲病以造訓爲雖義不異  
於辭不便箋說爲長

莫予荇蜂自求辛螫傳荇蜂摩曳也箋羣臣  
小人無敢我摩曳謂爲譎詐誑欺不可信也  
女如是徒自求辛苦毒螫之害耳謂將有刑  
誅

王肅云以言才薄莫之藩援則自得辛毒  
孫毓云羣臣無肯牽引扶助我我則自得



辛螫之毒

狄彼東南箋狄當作剔剔治也

王肅云率其威武往往征遠服東南謂淮夷

來服也

釋文狄王他歷反遠也孫毓同

長發大禘也箋大禘郊祭天也禮記曰王者禘其祖之所自出以其配之是謂也

王肅以大禘爲殷祭謂禘祭宗廟非祭天也

馬昭云長發大禘者宋爲殷後郊祭天以

契配不郊冥者異於先王故其詩詠契之  
德宋無圓丘之禮唯以郊爲大祭且欲別  
之於夏諦故云大諦